

حرب (ترکی) ۱۳۴۰

کتابخانه اسلام و عسکری



دفتر خاطراتدن :

فرانقفوریه بر کبر عملیاتی

اثر .

مکتب حریه شاهانه ارکان حربیه و طائفی و نمیه تطبیقات
معلمی ارکان حرسه قائمقامی

پرتو



معارف نظارت حلیه سلك رحصیل

استانبول

کتابخانه اسلام و عسکری — ابراهیم علمی
۶۲ — اسکی ضبطیه جاده سی — ۶۲

۱۳۱۶

۵۶۵



کتابخانه اسلام و عسکری

دفتر خاطراتدن :

فرانقزوریه بر کیم عثمانی

اثر :

مکتب حریه شاهانه ارکان حریه وظائفی و تقمیه تطبیقاتی
معلمی ارکان حریه قائمقامی

پرتو



معارف نظارت جلیله سنک وخصتیه

استانبول

کتابخانه اسلام و عسکری — ابراهیم حلمی

۶۲ — اسکی ضابطه جاده سی — ۶۲

۱۳۱۶

محررک طبع اولہ جی آثار سائرہ می:

معصل تعیہ مسئلہ لری (ایکینچی دفتر)
تاریخ حرب صحفہ لری
سیاحت خاطرہ لری

فرانقفورتده برکیجه عملیاتی

بیك سكر یوز طقسان یدی سنه میلادی سی مارتك
یکرمی دردنجی چهارشنبه کونیدر . کوندوزین آفرانه
ساعت اون ایکی یه دوغری (اودر) نهری اوزرنده کی
(فرانقفورت) شهرنده بشنجی پیاده فرقه سی قرارگاهنک
اوقاق سالوننده فرقه نك ارکان حربیه رئیس ، فرقه یاور ،
فرقه سرطیبی ، فرقه لوازم مأموری ایله فرقه نك ایکی
عدلیه مأموری وموقع قوماندانی اولان ملازم طویلا-
نیورلر . هرکس برقاچ کونلک وظیفه سی حاضر لامش ،
فرقه قوماندانسه عرض معلومات ایده جک ، اونک رای

و قرار لرینی استفسار ایلده جک . تام ساعت اون ایکیده
 سالونک قایسی آجیلور . بشنهی فرقه قوماندانی جنرال
 (فرایه ر فون در غولج) اچیری به کیریور . یالکز عالم
 عسکریمزده دکل ، تکمیل عثمانلی وطنداشلرمن نزدنده
 هر درلو حس شهرت قازاعش اولان (غولج پاشا) بر
 سنه دن زیاده اولور که آرتق عثمانلی ارموسنه وداع ایتمش،
 ینه بروسیا خدمت عسکریه سنه کیرمش بولنیور . مشارالیه
 کندیسنه مخصوص برزاکت فوق العاده ایله حاضرونی
 سلاملا دقن صکره سالونک اورته سنده کی بیوک ماصه نك
 اطرافه موصوع سندالیه لردن برینه اوتوریور . فرقه
 هیئت ارکانی دخی برلینه کچورلر . مذاکرات باشلابور .
 اولا موقع قوماندانی اولان ملازم فرقه قوماندانی کوره -
 مدیکی کچن ایکی کون ظرفنده کی غارنیزون [۱] وقایعی
 مجملأ بیان ایدیور ، فرقه قوماندانک بوبابده بر ایکی
 امرینی آله رق سالوندن چکیلیور . آرقه سندن فرقه نك
 عدلیه مأمورلری صره ایله اومدت ظرفنده کندیلرینه
 عائد کچن وقایعی بیلدیریور و عین وجهله قوماندانک
 ایجاب ایدن امرلرینی آلوب کیدیورلر . طبقی بوشی فرقه نك
 لوازم مأموری و فرقه سرطیبی ایله دخی تکرر ایدیور .

[۱] (غارنیزون) ایچنده عسکر اقامت ایدن شهره ویا

طوفریدن طوفری به بر موقع عسکریه به اطلاق اولنور .

نهایت سالونده یالکز فرقه قوماندانی ایله ارکان حربیه رئیس بیکباشی (فون وردر) ، فرقه یاورى بیکباشی (تیلو) وایکنجی ارکان حربیه ضابطی صفیله بن قالیورز که اصل قرارگاه هیئتی بز دردمن تشکیل ایلدیکمز جهتله اک مهم اولان مذاکراتده طیبی بزم آرامزده جریان ایدم جکدر بن ایوقت هنوز پروسیا اردولرنده بولنیور واستانبوله ایکن کندیسيله خبلی سنلر برلکده بولنق شرقه مظهر اولدیغ قوجه غولچ باشانک پروسیاده دخی فرقه سنه الحاق قلنرق عملی فرقه ارکان حربیه وظائفی اوکرنیوردم .

سالون بوشالقدن صکره فرقه یاورى مصالح شخصیه به ، برایکی آی صکره اوله حق انداخت عملیاتلرینه مخصوص اراضی انتخابنه وسائره به دائر لازم کلان معروضاتی بتیریور . آندن صکره صره بکا کلیور : فرقه به منسوب ایکنجی دراغون و اوچنجی اوھلان سواری آلایلری ضابطانندن بعضیلری طرفندن برقاج کون صکره اجرا ایدیله جک کیجه سواریلکترینه دائر ترتیب ایلمش اولدیغ اوج درت مسئله بی فرقه قوماندانه کوستیریورم ، بوبابده لازم کلان شیرل قرارلاشدیریلیور . صکره ارکان حربیه رئیس کله جک صوک بهار مانوره لری ایچون انتخاب ایدلمش اولان اراضی به دائر حکومت ملکیه مأمورلری ایله ایدیلان

مذاکراتدن ویاقینده اوله جق قطعات تفتیشی پروغراملرندن
بجٹ ایدینیور . بووجهله هرکس معروضاتی بتیریور،
ایشه ختام ویریلیورکه تکمیل بومعروضات، بومذاکرات
برساعت قدرسوریور. بونی متعاقب بو آخشام فراقفور
جوارنده اجراسی متصورکیجه عملیاتندن بجٹ آچیلیور.
هوا صوغوق، قوری، بوکیجه قاراکلق وماهتابسزاولقله
برقاج کوندنبری تحت قراره آلمش اولان بویله برعملیات
ایچون اک مناسب برکیجه در. غولج بو عملیاته عائده مسئله لک
اساسنی بالذات حاضرلامش، تفصیلاً صورت ترتیبی فرقه
ارکان حربیه سنه برافشدر. اویله دن صکره ساعت بریجفه
دوغری بربرمزدن ایرلدق . بن جنرال غولج ایله برلکده
فرقه قرارگاه بناسنک یاننده کی قوماندانله مخصوص
اقامتگاه کادم ، اکثریا اولدینی کبی اوکون دخی غولج
فاملیاسیله برلکده یمک یدم .

بو آخشام عملیات اوله جفندن هنوز کیمسه نك خبری
یوق . ایشی فراقفورنده یالکز درت کشی بیلیورکه اوده
فرقه قوماندانی، ارکان حربیه رئیس، فرقه یاورى و بندن
عبارت . فرقه نك فراقفور غارینیزوننده کی قطعات
عسکریه سی بعد الزوال ایفاسیله مکلف اولدقلری خدمات
عسکریه بی اکمال ایتمشر ، آخشام آلافرانغه ساعت بشده
قشله لرینه چکیلیورلر. آخشام حالی یواش یواش اورقانی

قابلا یور . اوافق اولمقله برابرینه قالاباق، ینه جانلی
اولان فراقتورت واقعا بر حال سکون و تنهائی عرض
ایتمیور، فقط اور تاقده آرتق همان هیج عسکر کور و لیور.
ضابطان خاه لرنده، افراد قشله لرنده کوندوزک یور غونلغی
آلمقله مشغول . شوقدرکه بورالرجه موسم هنوز قیش
اولمقله فاملیا مسامرلری، فاملیا بالورلی آلان یتماه شدر.
هر آخشام اولدینی کبی مطلق بو آخشام دخی خیلی ضابطان
بومسامرلره دعوتلیدرلرکه بویله لری خدمت عسکریه
یتیمز یتیمز، فرصت وارسه، برالی بریچق ساعت اولسون
اوافق بر اویقو کسیدردکن صکره همان تواللرینی اکیال
ایدرك پروکار دکاننه، اورادنده دعوتلی اولدقلری یرلره
شتابان اولق یتیمده درلر . کیم بیلیر بو آخشام نه قدر
اکنیله جک ، نه کوزل دانس ایدیله جک ؟ بر یره دعوتلی
اولیان ضابطان دائما مشترکاً یمک ییوب وقت کچیردکلی
آلای قازینولرینه کیتمک ایچون ساعت آلتی بی بکلیورلر.
بوکون چارشنبه اولمقله بعض قازینولرده یمک ائناسنده
آلای موزیقه سیده ترنمساز اوله جق . کیم بیلیر نه خوش
بروقت کچیریله جک ، نه قدر کولوب اوینا نه جق ؟ ایرتسی
صبح ینه باشلایه جق اولان طاقم و بولک تعلیملرینه هنوز
آراده برکیجه وار . بوکیجه بی ممکن اولدینی قدرخوش،
اکنجه لی کچیرمک لازم دکلی یا ؟

حال استراحتده ، ضابطان آلاى قازينولرنده يىمكه
 بولنيورلر. كوش غروب ايده لى يارم ساعتي كچمشدر .
 بواشاده فرقه ياورى ايله بن وموقع قوماندانى اولان ملازم
 شهرك وسطنده وقوماندانلق دائرهسى قربنده كى مركز
 قره غولنه كليورز . فرقه ياورى قره غول دروننده كى
 ترامپته جى قفرى جاغرييور، عمومى باصقين اشارتى چالمسنى
 امر ايدىيور. نفر در حال امره اطاعت ايدرك غايت قوتلى
 صورتده ترامپته اورمغه باشلايور . اشارت بر ايكي فاصله
 ايله اوچ درت دقيقه قدر سورييور . جوارده كائن حسيم
 بر پياده قشله سنده كى قاپى قره غولى ايشدن خبردار اولور
 اولماز تكميل قشله ايچده باصقينه علامت بورو و ترامپته
 صدالرى ايشيدلمكه ، اورتالقد بر سرعت و فعاليت مشهود
 اولمغه باشلايور . عيى زمانده كرك مركز قره غولدن ،
 كركسه فرقه قرارگاهندن شهرك خارجنده اقامت ايدن
 آلايلره تلمون ايله باصقين اشارتى و يرلديكى كى هر طرفه
 وبالخاصه امرا وضابطان اقامتگاهلرينه ولوسپيدلى افراد
 سوق ايدىليوركه بوسايه ده تكميل فراققورت آز زماده
 باصقين خبرنى آليور . تكميل بو حال هوا غايت ساكن
 ايكن آبالسزين فوق العاده شدتلى بر فورطنهك ظهورينى
 ا كديريور . قطعات مختلفه سرعت ممكنه ايله سفر بر

حالہ حاصر لاغہ باشلادقلری اتنادہ ہر الایدن امر المغہ
 کلان کوچوڪضابطان فرقہ قرارکاہندہ اجتماع ایدیورلر۔
 فرقہ ارکان حربیہ رئیس یونلرہ قطعاتك طوپلاعیسی
 متعاقب اجرا ایدیله جك کیجہ عملیاتنہ دائرلازمکلان فوقہ
 امریخی یازدیبریور۔ عینی زماندہ فون درغولج، فرقہ
 یوری و بن حیوانلرمزہ ینہرک قوماندانلق دائرہسی
 اوکندہ (۱۸۷۰—۱۸۷۱) حاطرہسی اولوق اوزرہ انشا
 ایدلمش جسیم ومکمل (برس فرہدریق شارل) ہیکلی
 اوکنتن کچور۔ انظارمزله اوقوقہ قوماندانی سلاملادقدن
 صکرہ جوارده کی جسیم بر میدانہ توجہ ایلپورزکہ فرقہ
 منسوب قطعات عسکریہ دن سکرنجی غرہ نادیه پیادہ آلابی
 ساعت یدیدہ نام سر بر حالہ اولہرق بومیدانہ اجتماع
 ایتش بولنیور۔ ینہ غولج ایلہ اورایہ بش دقیقه قدر
 مسافدہ اولان دیگر بر میدانہ حیوانلرمزی سوریورز۔
 قشلہلری شہرک خارجندہ وخیلی اوزاقدہ کائن اولان اون
 ایکنجی غرہ نادیه پیادہ آلابی ایلہ اون سکرنجی مھرا
 طوبجی آلابی طیبی شہر داخلندہ کی سکرنجی پیادہ آلابی
 قدر چابوق طوپلانہ میورلر سده ینہ کچ قالمیورلر : اون
 ایکنجی پیادہ آلابی الی آلتی دقیقه دہ، طوبجیلر تام بر
 ساعتدہ (ویلہلمس پلاج) نامیلہ معروف اولان بوایکنجی
 میداندہ طوپلانیورلر۔ اورنالق ایدن اییہ قرارمش،

ساعت آلا فرانغه آلتی بچق اولیور . افراد قشله لرده
 حال استراحتده ، ضابطان آلا ی قازینولرنده یمکده
 بولنیورلر . کونش غروب ایدله ی یارم ساعتی کچمشدر .
 بواننده فرقه یاور ی ایلله بن وموقع قوماندانی اولان ملازم
 شهرک وسطنتده وقوماندانلق دائره سی قربنده کی مرکز
 قره غولنه کلیورز . فرقه یاور ی قره غول دروننده کی
 ترامپته جی نفر ی جاغریور ، عمومی باصقین اشارتی جالمسی
 امر ایدیور . نفر در حال امره اطاعت ایدرک غایت قوتلی
 صورتده ترامپته اورمغه باشلایور . اشارت بر ایکی فاصله
 ایلله اوج درت دقیقه قدر سوریور . جوارده کائن جسم
 بر پیاده قشله سنده کی قاپی قره غولی ایشدن خبردار اولور
 اولماز تکمیل قشله ایچنده باصقینه علامت بورو و ترامپته
 صدالری ایشیدلمکه ، اورتالقد بر سرعت و فعالیت مشهود
 اولمغه باشلایور . عینی زمانده کرک مرکز قره غولندن ،
 کرکسه فرقه قرارگاهندن شهرک خارچنده اقامت ایدن
 آلا یلره تلفون ایلله باصقین اشارتی ویرلدیکی کبی هر طرفه
 وبالخاصه امر اوضابطان اقامتگاهلرینه ولوسیدلی افراد
 سوق ایدیورکه بوسایه ده تکمیل فرائق فورتن آاز زمانده
 باصقین خبرینی آلیور . تکمیل بو حال هوا غایت ساکن
 ایکن آپالسزین فوق العاده شدتلی بر فورطنه نک ظهورینی
 اکدیور . قطعات مختلفه سرعت ممکنه ایلله سفر بر

حالدہ حاضر لائیفہ باشلا دقلری اننادہ ہر آلایدن امر آلفہ کلان کوچوک ضابطان فرقہ قرار کاہندہ اجتماع ایدیورلر۔ فرقہ ارکان حربیہ رئیس بونلرہ قطعانک طوبلا عسفی متعاقب اجرا ایدیلہ جک کیجہ عملیاتنہ دائر لازم کلان فوقہ امرینی یازدیوریور۔ عینی زماندہ فون درغولچ، فرقہ یاوروی و بن حیوانلرمزہ بینہ رک قوماندانلق دائرہ سی اوکنتہ (۱۸۷۰-۱۸۷۱) خاطرہ سی اوللق اوزرہ انشا ایدلمش جسم و مکمل (پرنس فرہدریق شارل) ہیکلی اوکندن کچور۔ انظار منزله او قوجہ قوماندانی سلاملا دقدن صکرہ جوارده کی جسم بر میدانہ توجہ ایلورزکہ فرقہ بہ منسوب قطعات عسکریہ دن سکرنجی غرہ نادیه پیادہ آلائی ساعت یدیدہ تام سفر بر خالد اولہ رق بومیداندہ اجتماع ایتمش بولنیور۔ ینہ غولچ ایلہ اورایہ بش دقیقه قدر مسافہدہ اولان دیگر بر میدانہ حیوانلرمزی سوربورز۔ قشلہ لری شہرک خارجندہ وخیلی اوزاقدہ کائن اولان اون ایکنجی غرہ نادیه پیادہ آلائی ایلہ اون سکرنجی صہرا طوبجی آلائی طبیعی شہر داخلندہ کی سکرنجی پیادہ آلائی قدر جابوق طوبلانہ میورلر سہدہ ینہ کچ قالمیورلر : اون ایکنجی پیادہ آلائی الی آلی دقیقه دہ، طوبجیلر تام بر ساعتیدہ (ویلہلمس پلاج) نامیلہ معروف اولان بوایکنجی میداندہ طوبلاننیورلر۔ اورنالق ایدن اییہ قرارمش،

هر طرفه فادرلر، لامبه لر یانمشدر؛ فراقفورته اهلینسک همان جمله سی سواققره دوکولمش، شوایکی جسم میدانه اجتماع ایدن ایکی پیاده وبرطوبچی آلابی ایله هرایکی میدان آراسنده کیدوب کلان یاورلرک، امرضا بطرینک ولوسیدلی افرادک حاصل ایلدکری کوزل پانورامانی سیر ایتمکده درلر. بویولده بر اجتماع ومتعاقباً برکیجه عملیاتی کوندوزین اجرایی معتاد اولان تعلیم و عملیاتلر مثللو هر وقت یاییله - میه جفی جهته، اساساً جمله سنک قانی عسکرلکله یوغورلش اولان آلمان اهلایی، کوریلورکه، شو حالدن غایت لذت آلیورلر. حاصلی ایلک باصقین اشارتی ویرلدیکی آندن اعتباراً تام بر ساعت صکره امر اولنان قطعات عسکریه تمایله سفر برحاله اوله رق اجتماع نظامنده حاضر بولنیورلر. فراقفورته داخلنده کی ایکی او هلان سواری بلوکی، یاییله حق عملیاتک ایجابجه، قصبه نک دیکر بر طرفنده طولانیورلر.

ساعت یدی بچقده فرقه قوماندانی اجرا اولنه حق عملیاتده طرفین مفرزه لرینی قومادا ایدم جک اولان ذاتلری یانه جاغریور واونلره یازیلی اوله رق مسئله لرینی وبریورکه شوسطرلری مطالعه ایدم جک سلاح آرقداشلمک بلکه موجب استفاده لری اولور امیدیه مذکور مسئله لری بورایه نقل ایدیورم :

کیجه سفریه عملیاتیشرق

فکر عمومی

شرق قطمانی (کوسترین) موقع مستحکمی و بونک جنوبنده کی (اودر) نهرینک فراقفورتدن اوتیه قدر اولان قسمی اشغال ایدیورلر . غرب قطمانی (برلین) دن (اودر) خطی اوزرینه ایلروله مکده درلر . مارتک یکریمی دردنجی کونی ائناسنده فراقفورتک غربنده . و یقینده کی نقاط مختلفه افاق هک محاربهر وقوع بولمشر .

شرق قطمانی ایچون فکر خصوصی

مارتک یکریمی دردنجی کونی ائناسنده غرب قطمانک فراقفورت اوزرینه اجرا ایلدکری مختلف هجوملر دفع اوله بیللمشده قطعات مذکوره اورتلق قاراردقندن صکره باصقین صورتیه یکیدن بر هجوم اجرا ایدرک هم شهری هم ده (اودر) کوپریسی ضبط ایلمشلردر . بونک اوزرینه شرق قطمانک بیوک بر قسمی (بیوک دکرمن) اوزرندن (تبه تیئن) صرتلرینه چکیلرک اوراده آچقده قونمشر .

(اودر) اوزرنده (شوه تیغ) ، (رایح پیغ) ،
 (قونیج) مواقننده بولنان صول جناح مفرزه سی فرائق فور-
 نك غائب ایدلدیکی حوادثی الیر آمازه، باش قوماندادن
 اولجه آلمش اولدینی تعلیماته توفیقاً ، (شوسه بکچی قولبه-
 سی) جوارنده طویل انمش واورادن (فالقذشتاین تپه جکلری)
 ایله ایله (یهودی مزارلنی) نه طوغری کشف قوللری
 سوق ایلمشدر .

قطعات

سکرنجی غره نادیه پیاده آلابی [۳،۲،۱ نجی طابورلر] .
 اون سکرنجی صحرا طویجی آلاینک برنجی بطاریه سی .
 اوجنجی اوھلان سواری آلاینک برنجی بلوکی .
 فرمانده : قائم مقام (فون وه دوینغ) .

اجتماع محلی : شهر داخلنده اولجه معین اولان میدانلر .
 عملیات مباشرت : باصقین اشارتی واسطه سیله اخبار اولنه جقدر .

§ تنبیه : قطعاتك اجتماعنی متعاقب (شوسه بکچی
 قولبه سی) نه قدر اجرا اولنسه جق یوریش (حضری
 یوریش) مقامننده اعتبار ایدلملی ، حال حربه موافق
 تدابیر اورایه مواصلتدن صکره اتخاذ قیلملیدر .

سکرنجی پیاده آلاینک دردننجی طابورینی تشکیل

ایدن ۱۴۰۱۳نجی بلوکلر حضری یوریش ایله (قونه سدورف) کیدوب کویک غرب کنارینی اشغال ایله فرائقفورته دوغری امنیت ترتیباتی آله جقلر و شرق قطعاتی قسم کلیسنگ (قونه سدورف) ده کری یه بر اقدینی بر مفرزه وظائفی اجرا ایده جکلر در. مذکور مفرزه نك قوماندانی یوز باشی (فون غایسلر) در.

[فکر عمومی اولکینک عینیدر]

غرب

کجه سفریه عملیاتی -

غرب قطعاتی ایچون فکر خصوصی

شرق قطعاتنگ فرائقفورته و فرائقفورته جوارنده کی واضی اوزرینه اجرا ای دیلان مختلف هجوملرده ووقیت حاصل اوله مامش ایسه ده اورتالق قرار دقدن صکره صقین صورتیله اجرا ای دیلان یکی بر هجوم سایه سنده م شهر ضبط ایدلش، هم ده دشمنک اثنای رجسته نریبه موافق اوله مدینی (اودر) کوپریسی الیه ای دیله لک دشمن قطعاتی (قونه سدورف) اوزرینه پوسکور و لشلر در.

غرب قطعاتنگ پشمارای [اوج پیاده طابوری، بر]

شرق مفروزه سی قوماندانی آلدینی مسئله یی اوقور اوقوماز باشده پیاده لر ، نهایتده طوبجیلر اولق اوزره مفروزه سی همان حرکتده باشلانور . عسکر یوریش قولنده بیوک بر سکون واستظامله شهر ایچندن کچرکن سیرجی اهلینک یوزنده قوت قلبی، نفسه اعتمادی ایمایدیر بر علامت مسرت کوریلور؛ سنه لردن بری آلیشدق لری مظفریات ککافه تفرعاتیله خاطرهلرین اوقشایور. بویه وقت حضر عملیاتی بیه حقیقت رنکنده کوریلور لر .

شرق مفروزه سی یوله دوزلدکن صکره طوبجی آلاینک عملیاته اشتراک ایتیمه جک اولان بطاریه لری عادتاً یوریش ایله قشله لرینه عودته باشلا یورلر. فون درغولج فرقه ارکان حربیه رئیس ، بر او هلالن امر ضابطی و بر ایکی سواری امر نفری ایله برلکده شرق مفروزه سی تعقیب ایدیور؛ فرقه یاورى عملیاتی اداره ایتیمده اولان فرقه قومانداننک، وقت معیننده غرب مفروزه سنه ویرلک اوزره ، بر اقدینی معلوماتی حاملأ غرب قومانداننک باننده قالور .

غولج فاملیاسنک اقرباسدن اولوب یارم ساعتدن بری حیوانه بینمش اولدینی حالده یانمده طوران کنج و جسور (مادمازل دورغوت) ایله بن فرقه قومانداننکدن اون دقیقه قدر صکره یوله دوزولوروز .

ساعت سکزده غرب مفرزه سی حرکتہ باشلاپور .
 بر آز صکرہ شہرک اورتہ سنده کی میدانلر دہ عسکردن اثر
 قالدینی کی اہالیدن بر خلیسی دہ اقامتکا ہلرینہ چکیلیورہ
 یالکر ایچلرندن پک مراقلی اولانلری قطعات عسکریہ یی
 تعقیب ایلہ اراضی اوزر دہ یاپیلہ حق عملیاتی سیر ایتمکہ
 وذاتاً اویانمش اولان حسیات عسکریہ لرین بر قاتدہا
 اویاندیرمغہ قرار ویریورلر . یاواش یاواش شہر ہر
 کیجہ کی حالی آلیور .

سسنز صداسز ایلرولہ مکدہ اولان مفرزہ لر یکدہ .
 یکرندن یارم ساعت فاصلہ ایلہ (اودر) کوپریسی کیچورلر .
 قشلہ لری « دام واروشقی » ندہ اولدینی جہتلہ « شوچن
 ہاوس » دہ اجتماع ایتمش اولان ایکی اوہلان سواری
 بلوکی بورادہ عائد اولدقلری مفرزہ لرہ التحاق ایدیورلر .
 (مادمازل دورغوت) ایلہ بن یولک (شوچن ہاوس)
 . قدرکی طاشلق قسمی کچدکدہ صکرہ حیوانلر مزی
 کسکین سرعلی بہ قالدیروب ، فرقہ قوماندانہ یتشمک
 ایستیورز . سا براق اولمقلہ برابر اورتالق قارا کلک
 اولدیفندن بش اون آدیم ایلروسنی بیلہ کورمک قابل
 اولہ میورہ (فراقفور اورمانی) جہتدن شرق مفرزہ سی
 قطعاننک آباق وتکرلک خیشیلدی لری ایلہ آرہ صرہ برایکی
 کیجہ قوشنک صداسندن بشقہ ہیچ بر شی ایشیدلیورہ

غرب مفرزه سی هنوز کزیده اولمقله وجودندن اثر حس اولنیور . (مادمازل دورغوت) ایله آت باشی برابر شوسه یی تعقیب ایدیور ، کثیف برظلمت ایچنده ایلرو- لیور ، طبیعتک شو عظمتلی حال سکوننه قارشی ساکتانه یول آلیورز . بر آراق (شمندوفر قلبه سی) ندن کوریلان بر قنار ضیاسی یولک استقامتنی تمامیه تعیین ایتدیکندن حیوانلرمزی دوت نعل ایله سوره رک تام شمندوفر خطی اوزرنده فرقه قرارگاه هیئته یتشیورز . شرق مفرزه سی ساعت طقوزه قدر ، رأسی (شوسه بکچی قلبه سی) نده وفرانقفورته متوجه بولنقی اوزره ، یول قولنده طویلانیور : باشده سواریلر ، اورته ده پیاده لر ، اک کزیده طویجیلر بولنیورلر .

عین زمانده غرب مفرزه سی (فالقنشتاین تپه جکلیری) جوارینه واصل اولیور . طرفین مفرزه لری بر برلرینک نرملرده بولندقلرندن طبیعی تمامیه بی خبردرلر . اطراف فوق العاده بر سکون ایچنده در . اهلیدن سیرجی اوله رق کلانلرده بیله هیچ سس صدا ایشیدیلیور ، هرکس نتیجه یه انتظار ایلور .

تام ساعت طقوزده شرق مفرزه سی قوماندانه بن ، غرب مفرزه سی قوماندانه فرقه یاور ی مدیر اولان فرقه

قوماندانی طرفندن، یازیلی اوله رق آئیده کی معلوماتی
ویریورز:

شرق

مدیر طرفندن:

صول جناح مفرزه سی قوماندانی قائم مقام (فون وه ددینگ) .

سُوق قطعانك بیوك بر قسمی (تزه تین) صرتلری
اوزرنده و (بیوك دكرمن) ك شمالنده آچیقده قونیوره، یارین
صبح غایت ایرکن (کوسترب) موقع مستحکمك شرق جنوب.
پسنده کی (قانهن تبه لری) موضعه چکیله جکدر. مفرزه کز ایله
همان (قونه رسدورف) و (بیوك دكرمن) اوزرندن (تزه تین)
صرتلری اوزرنده کی قسم کلی اورو لاهنه کلیکز. (قونه رسدورف)
بزم طرفزدن ایکی پیاده بلوکی ایله اشغال ایدلشدور .
باش قوماندان

آ

غرب

مدیر طرفندن:

پیشدار قوماندانی میر آلائی (فره دریقس) .

سواری کشف قولریله کویلیلر طرفندن متفقاً ویریلان
معلوماته نظراً (شوه تیغ)، (رایچیغ)، (قونج) مواقنده قراقلق
باشچییه قدر دشمن قطعاتی بولمشمسده (فراقفورت) ك طرفزدن
ضبطی متعاقب قطعات مذکوره (فراقفورت اورمانی) داخلنه
چکیش و بو طرفجه ظن اولندیفته کوره، فراقفورتدن کریه

پوسکور دیلان دشمن قوی ایله (قونه رسدورف) اوزرندن برلشک تشبثنده بولمیشدر.

پیشدار ایله شدتلی صورتده (شوه تیغ - قونه رسدورف) بولنه ودها اوت سنه طوغری ایلرولیکز و فرائق فورته جنوب شرقیسنده کی (اودر) قسمندن کله چک دشمن قطعه لرینی بوسورتله جنوب شرقی استقامتده (ماجدورف) ویا (غره دن) ه دوغری طرد ایدیگز. (دام واروشی) بو کجه دوغریدن طوغری به قسم کلی - طرفندن اشغال و تأمین ایدیله جکدر.

باش قوماندان

ه

ینه ساعت طقوزده (قونه رسدورف) ده کی اوافق دمدار مفرزه سنک قوماندانی اولجه قبالی برطرف دروننده کندیسنه و برلش اولان معلوماتی آچهرق او قویورکه اوده شودر:

مدیر طرفندن:

شرق

قونه رسدورف مفرزه سی قوماندانی یوزباشی (فونز غایسله ر) ه

(شوه تیغ)، (رای پیخ)، و (قونیج) دن یا تلاشان صول جناح مفرزه سنه همان (قونه رسدورف) و (پیوک دکرمین) اوزرندن قسم کلینک اردوگاهنه کلسی امر ایدلمشدر. مذکور مفرزه تک وصوله قدر (قونه رسدورف) ی محافظه ایدرک مفرزه تک یا قلاشمسی تسهیل ایدیگز و (قونه رسدورف) دن اثنای سرورنده اوکا التهاقی ایلیمز.

باش قوماندان

آ

شرق مفرزه سی قوماندانی قائم مقام (فون وه ددینج)
 (شوسه بکچی قولبه سی) بك فراقفورت استقامتدن
 کورولیه جک جهته کیدیور. شرق باش قوماندانندن
 کندیسنه ویریلان امری، برسواری امرنفرینک طوتدینی
 کیچه فنارینک دلالته، یاننده یآوری اولدینی حالدده
 اوقویور؛ یاهجنی حرکتی ذهنتده تاصارلایور. صکره
 یآوری واسطه سیله طابور، سواری بلوکی و بطاریه
 قوماندانلرین یاننه جلب ایدیور. باش قوماندانندن کلن
 امری یاواش سسله اونلرده بر کره اوقویور وشفاهاً
 شو مفرزه امرینی وبریور:

«دشمن فراقفورت ایله (دام واروشی) پی ضبط
 ایتدی. قسم کلیمز (تره تین) اوزرینه چکیلدی. مفرزه من
 (قونه رسدورف) و (بیوک دکرمن) اوزرندن قسم کلی به
 التحاق ایده جک .

«سواری بلوکی (فالقنشتاین تپه جککری) استقامتده
 ایلرولیه جک، اوجهتده دشمنی ترصد و توقیفه جالیشه رق
 مفرزه نك رجعتی حمایه ایده جک. باشده کی طابورک بر
 بلوکی، تکمیل مفرزه بورایی ترك ایدنجه به قدر، (شوسه
 بکچی قولبه سی) نك یوزمتره قدر شمال غریبسنده وشوسه
 اوزرنده قاله جق، مفرزه پی اک صکره تعقیب ایده جک .
 «دیگر اوچ بلوک پیشدار مقامنده (بلاقتره استاسیونی)

اوزرندن (قونه رسدورف) ه توجه ایده جک وقسم کلیمزدن
اوراده براقیلان ایکی پیاده بلوکی ایله برلشه جک .
باشده کی طابوری یوز مترو مسافه ایله ایکنجی طابور،
صکره صحرا بطاریه سی، صکره اوچنجی طابور تعقیب
ایله جکلر. بن پیشدارک یاننده بولنه جغم .»

بویامری آلان معیت قوماندانلری همان قطعه لرینه
عویت آیدیورلر. سواری بلوکی (قونه رسدورف)،
(فرائق فورت)، (شوه تیغ) استقامت لرنده متعدد کشف
قوللری چیقاردقیدن صکره شوسه یی تعقیباً (فالقنشتاین
تپه جکلری) نه طوغری ایلرولیور.

قطعات سائر ویریلان امره توفیقاً یوله دوزولیورلر،
فون درغولج قرارگاه هیئت ایله برلکده شرق قوماندانه
رفاقت ایدیور.

درین برظلمته بوغولمش اولان اورمان ایچندن دشمن
یقیننده اجرا ایدیلان شوتهلکه لی یوروش شرق مفروضه سی
قومانداتی طبعی اوله رق ایچیه هیجانه دوشورمکده در.
دشمن طرفندن هر آن باصقینه اوغرامق، هر آن تعرضه
دوچار اولق مخاطره سی وار. یوروش ائساننده کوزلر
بلا اختیار دائما صوله، فرائق فورت جهته دونیور. فقط
حیف که زبیری بر قراکلق ایچنده اورمانک اک جسم
آغاجلری پله فرق اولنه میور. بویه زمانلرده بز

حرکاتمزدۀ قدر کوجلک چکر سهک دشمنکده اونسبتده
دوچار مشکلات اوله جی خاطرۀ کتیرلیور. بزی یقالیه.
بیلیمک ایچون اوده عینی اورمانۀ داله جق، عینی ظلمتده
شاشیره جق. شوقدر که بیوک بر مسئولیت یوکی آلتده
بولان شرق مفرزه سی قوماندانی بونی بزم کی سرین
قائلیقلمه دوشنه میور؛ نه قدر اولسه اندیشه ایدیور، تحت
قومانداسنه بر اقلیمش مفرزه بی ساحل سلامتۀ حیقارۀ.
مامقدن اورکیور.

کله لم غرب قطعانۀ: غرب مفرزه سی قوماندانی
فره یووری طرفدن کیجه ساعت طقوزده کندوسنه
ویرلش اولان یازیلی معلومات اوزرینه تکمیل مفرزه سی
ایله شمندوفر خطی یاسدن (بلاقره استاسیونی) استقامتجه
ایلرولمکه قرار ویریور: اولا سواری بلوکی (قونه ر-
سدورف)، (بلاقره استاسیونی) و (شوسه بکی قولبه سی) نه
دوغری کشف قوللری اخراج ایلدکدن صکره یوله
دوزولیور. آرقه سندن بر پیاده طاووری کلیور. ایکوز
مترو قدر صکره صره ایله ایکنجی طاوور، صحرا بطاریه سی،
اوچنجی طاوور تعقیب ایدیورلر.

بو وجهله طرفین یکدیگرندن خبردار اولمقسزین
مقارباً (بلاقره استاسیونی اوزرینه یوریورلر.

شرق مفرزه سنک پیشدار رأسی اورمان ایچنده (م)

نقطہ سنے کلیر کلز مفرزہ قوماندانہ کویا کنندی باش
قوماندانی طرفندن آتیده کی امر وارد اولیورکه بونی بر
طرف ایچنده اوله رق قوماندانه بالذات فون در غولچ ویریور:

شرق

مدیر طرفندن :

بيوك ذكرمن ۲۴ مارت سنه ۱۸۹۷

ساعت ۹ .. کيجه

صول جناح مفرزه سی قوماندانلغه

بورایه کن معلوماته نظراً دشمنك فراقفورتن (اودر)
نهرينك صاغ ساحلنه کچوب (فالقشتاين تپه حکری) نه قدر
ایلرولیان قطعاتی ضعیف قوتده درلر . باصقین طرزنده هجومه
قطعات مدکورده بی تکرار فراقفورتن اوزرینه پوسکورتمک
وهیچ اولزسه (اودر) کورپسی تخریب ایتمک چالیشکز .
استهکام عساکری ایله لازم کلان وسائط تخریبیه بورادن
سزه کوندربله جکدر (مفروض) . باش قوماندان

آ

بو امره نظراً شرق مفرزه سی قوماندانی پیاده
طابورلرینک رأسلرینی صوله چرخ ایتدیریور: باشده کی
طابور (م) نقطه سندن (تعلیم میدانی) نه کیدن اورمان
بولی، دیگر ایکی طابور (م) نقطه سی ایله (شوسه بکچی

قولبه سی) آراسندن اولکنه موازی اوله رق (تعلیم میدانی) نه
ایصال ایدن دیگر ایکی اورمان یولنی تعقیبه باشلا یورلر .
صحرا بطاریه سی ایکنجی طابورک کریسندن کلیور . سواری
بلوکی بوجالده مفرزه نك صول جناح ایلریسندنه قالیور سه ده
نروده بولندیغندن خبر یوقدر .

ینه بو آرالقی (قونه رسدورف) مفرزه سنك یانسه
واصل اولان فرقه امر ضابطی فون در غولج طرفندن
مفرزه قومانداننه ظرف دروننده امر آتی بی ویریورکه
بو امر کویا او انشاده شرق باش قوماندانلنی طرفندن
وارد اولیور :

شرق

مدیر طرفندن :

بیوک دکرمن ۲۴ مارت سنه ۱۸۹۷

ساعت ۹ کیجه

قونه رسدورف مفرزه سی قوماندانلغه

صول جناح مفرزه سی (قالقنشتاین تپه جگری) استقامتنده کی
دشمنه تعرض ایدمک و اونی (اودر) کوپر بسنك او بر طرفنه
طرد ایلیمکدر . مفرزه کزله (اوقی قولبه) اوزرندن ایلرولیه رک
بو تعرضی تسهیل ایلکیز .
باش قوماندان

مفرزه قوماندانی (فون غایسله ر) بونک اوزرینه تحت
 قوماندانه سنده کی پیاده بلوکلرندن برینی بلوک قولى نظامنده
 اوله رق (اوفق قولبه) استقامتنجه ایلرولتور؛ دیگر بلوک
 عین نظامله آلتش متره قدر کریدن تعقیب ایدیور.
 عین زمانده بن ضرب مفرزه سنی بولوق اوزره قوتلی درت
 نعل ایله (تعلم میدانی) اوزرندن (اوفق قولبه) یه دوغری
 ایلرولر ایکن (قونه رسدورف) استقامتدن بربری آردنجه
 یایلم آتش صدالری ایشیدییورم. قطعات عسکریه دن
 هیچ اثر کورلیور. خیلی مشکلاتله او جوارده ضرب
 مفرزه سی قومانداتی بوله بیلور و کندیسنه مدیر طرفندن
 برظرف ایچنده امر آتی بی ویریورم که کویا بوامر دخی
 او ائنده غرب باش قوماندانلغندن ورود ایدیور:

غرب

مدیر طرفندن:

فراقفورته فی ۲۴ مارت سنه ۱۸۹۷

ساعت ۹:۰۰ کیجه

پیشدار قوماندانلغنه

فراقفورته ضابطی هنگامنده هنوز (شوه تیغ)، (رایچیغ)،
 (قونیج) ده بولونمش اولان دشمن قطعاتک مؤخرأ (فراقفورته)
 اورمانی دروندن (قونه رسدورف) استقامتده حرکت باشلا.
 دقلری عوادی دمیجک آلتان معلوماتله تأید ایتمکده دره. قطعات

مذکورہ اوزرینہ تعرض ایدرک اونلری جنوب شرقیہ طوغری
 طرد وقسم کیلری ایلہ برلشمکدن منع ایلکیز .
 کرک (دام واروشی) ، کرکسہ (اودر) کوپریسی قسم کلی
 طرفندن اشغال اولونمشدر [مفروض] . شمندوفر کوپریسی
 بوزولمشدر [مفروض] . باش قوماندان

ب

غرب مفروضی قوماندانی یکی بر قرار ویرمزدن
 اول (قونہ رسدورف) جهتده کی تفنک صدالرینک واصل
 اوله جنی نتیجه به انتظار ایلور. کندیسندن مذکور تفنک
 سسلرینک نه دن ایلری کلدیکنی بالاستفسار آکلایورم که
 بو زمانه قدر پیشداری (بلاقتره) به یاقلاشان غرب
 مفروضی قسم کلیسنک رأسی (قونہ رسدورف) دن
 ایلروله مش اولان (غایسله) مفروضی ایلہ جارپشمش ،
 طرفین یکدیگرینک دشمن قطع سی اولدیغنی آکلار
 آکلماز تفنک محارب سینه کیریشلمشدر. فون درغولچه
 اعطای معلومات ایتمزدن اول شو مصادمه نک نتیجه سینه
 انتظار ایلمک اوزره بوراده خرب قوماندانسنک یاننده
 قالیورم. بر آراق (قونہ رسدورف) استقامتدن تفنک
 سسی کیلیور. آوقه سندن کسکین و متمدد هوردا
 صدالری ایشیدیلور. بر آاز صکره آکلایورزکه غربلیلرک
 برطابور قوتله اجرا ایلدکلری سونکو هجومه شرقلیلر

دایانه مامشله، ینه (قونه رسدورف) اوزرینه رجته مجبور اولمشلردر .

شو اوافق موفقیتی متعاقب غرب مفرزه سی قوماندانی آلدینی صوڪ امره نظراً قسم کلسیله (محافظ قلبه سی) استقامت عمومیه سنده تبدیل جبهه ایتمه قالفیشیور . شو قدرکه بو حرکتک موقع اجرایه قولنمسی ایچون طبیعی خیلی زیمان تصرف ایدیلیور . برده پیشدار پیاده طابوری وزاقدہ اولقله بالمجبوریه (بلانقزه استاسیونی) طرفنده تالیور، بو حرکتہ اشتراک ایلیمیور؛ سواری بلوکی دخی آریجه بر امر آلیور .

بن غرب قومانداننک شو یکی قرارینی ایشیدیر یشیتمز اولجه کلدیکم استقامته دوغری حیوانمی سوره رک بودته باشلا یورم . بر ایکی دقیقه صکره تعلیم میداننک ورته سنده صداسندن جنرال فون در غولچی طانیور، ننه کیدرک کوردیکم شیرلی عرض ایلورم . قراکلق ادتا کیندکجه آرتیور، کوز کوزی کورمیور . فرقه رارکاه هیئتته رفاقت ایدن (مادمازل دورغوت) شو لملت ایچنده بیاض سواری جاکتی، بیاض فستانی ایله رانسزلرک مشهور (ژان دارق) نی آکدیریور . بز رارکاه هیئتتی شو عملیاتدن نه درجه متلذذ اولیور ایسه کده او قدر ذوق آلیور، او نسبتده سونیور .

غرب مفرزه سی، ایکی طابور درین قول نظامنده
یکدیگری کریسند و صحرا بطریقه سی بونلرک صاغ طرفی
آچینده یوروش قولنده اولمق اوزره، (محافظ قلبه سی) نه
دوغری ایلرولر ایکن شرق مفرزه سی ده، ایکنجی
واوچنجی طابورلرک هربری درین قول نظامنده یان یانه
واولکی پیشدار طابوری صاغ جناحی کریسند بولمق
اوزره، (اوافق قلبه - فالقنشتاین تپه جکلی) خطه
قرب ایدیور؛ شرق صحرا بطریقه سی اورته ده کی طابوری
تعقیب ایلور . .

بوصورتله غربیلر جنوبه یورودکلی حالده شرقیلر
عادتا غربه توجه ایتمش بولنیورلر . طرفین یکدیگرندن
ایکی اوج یوز مترو مسافیه قدر یاقلاشدقلی حالده
بربرلرینی فرق ایدمه یور، بربرلرندن بر خبر آله میورلر.
بو اننده فرقه قرارگاه هیئت (فالقنشتاین تپه جکلی)
اوزرینه توجه ایدرک اورادن نتیجه یه انتظاره قرار
ویریور .

نهایت شرق مفرزه سنک صول جناحده ایلرولیان
طابوری غرب مفرزه سنک نهایتده کیدن طابوری ایله
مصادمه ایدیور؛ بونک نتیجه سی اوله رق شرق طابورینک
باشنده کی بلوک ایله عرب طابورینک کریسند کی بلوک
یکدیگرینه آتش ایدیورلر . بر آده لق غرب طابورینک

بلوکری دخی ایشه کیریشمک، کزیده کی بلوکی تقویه
 ایتمک ایستیورلر ؛ شوقدرکه ظلمت ایچنده نه یابدقلمی
 بیه میور ، دشمن دییه کندی بلوکری اوزرینه آتش
 ایدیورلر ؛ شرق مفرزه سنک دیکر طابورلری ایسه
 اوکده برهدف اولمادینی جهتله بردنبره حربه اشتراکدن
 اجتناب ایلور ، یالکز رأسلیله تدریجاً غرب و جنوب
 غربییه چرخ ایتمکه باشلایورلر . ینه بو ائشاده مفرزه .
 سنک قسم کلیسنه التحاق ایتمک اوزره (بالقنشته) جهندن
 دزن غرب سواری بلوکی شرق مفرزه سنک صاغ جناح
 طابورینه تصادف ایدیور ، بلوک قولی نظامنده درت
 مله قالمه رق شدتلی هوردا صدالریله مذکور طابورک
 أسنی چیکنه یه رک کچور ، متعاقباً اورته ده یوریان شرق
 لاپورینه صالدریور ، بونی ده یاردقدن صکره (فالقنشتاین
 په جکلری) نه توجه ایدیور . عین زمانده مذکور
 په جکلرک غربنده بولنان شرق سواری بلوکی بوکا بر
 لیره یایمق ایستیورسه ده اوکنده بر هدف بوله میور ؛
 رک دشمن قطعاً سنک، کرک منسوب اولدینی مفرزه
 لماتنک نره لرده اولدینغی بیه مدیکی ایچون لا علی التعمین
 هجوم اجرا ایتمک مخاطره سندن چکینیور . بر کره
 لیانه کلمش اولان غرب سواری بلوکی ایسه اوپله بردنبره
 رت نعلک آردینی کسه میور ، (فالقنشتاین په جکلری)

اوزرنده اخذ موقع ایدن فرقه قرارگاه هیئتنی دخی ،
 بیلیمیه رک ، یاروب کچمکه داورانیور . فقط بر آز صکره
 کرک قرارگاهه منسوب بر اوهلان امر ففرنده کی فنارک
 کوسترلمسی ، کرکسه (مادمازل دورغوت) ک بیاض
 قوستومله عرض اندام ایله مسی سواریلرک بوصولته خاتمه
 چکدیریور ، قرارگاهی اوهلان مزراقلرندن خلاص
 ایدیور .

یاکلش آکلاشیلماسین: اوهلانلر پیاده قطعاتی
 حقیقه مزراق داورانمش اولدقلری حالدده هجومله چیکنه .
 بهرک یارمیورلر ؛ بلکه قاراکلق اولدینی حالدده دخی
 ینه بویله تهلکلی مصادمه لرده فوق العاده احتیاطه رعایت
 ایلور ، پیاده نک یانته کلیرکلز تعدیل شدت ایدیورلرده
 اویله اوتیه کچورلر .

پیاده قطعاتنک یکدیگری اوزرینه مانوره فشکی ایله
 انداخت ایتملری دخی این احتیاطله وقوعبولور :
 آیانسزین یوز یوزه کلان قطعات طبیعی همان بربرینه
 آتش ایتمه باشلامیورلر . آنجق آراده بویوله انداختنک
 جائز اوله جنی معین مسافه وارسه انداخت ایدیورلرکه
 بو سایهده هیچ بر قضا وقوعه کلور .

کیجه ساعت اون پنجه یاقلاشیور : اوتوده بریده
 هنوز نک تونق تونق صدالری ایشیدلمکده ، غرب سواری

بلوکی کندیسنه یکیدن نظام وانتظام ویرمکه اوغراشمقده
ایکن فون درغولج (فالقنشتاین تپه جکری) ندن
عملیاته ختام بوریسنی جالديریور .

ختام اشارتی تکیدل قطعات عسکریه بوریزنلری
طرفندن تکرار ایدیلور . طابورلر ، بطریه لر ، سواری
بلوکری بولندقلری محللرده تعطیل حرکات ایدیورلر .
متعاقباً ینه فرقه قرارگاهندن جالديریلان ضابطان بوریسنی
اوزرینه باجمله آتلی ضابطان (فالقنشتاین تپه جکری) نه
توجه ایلورلر . فون درغولج قطعات عسکریه نك هیچ
استراحت ایتمکسزین حضری یوروشله فرائق فورته قشله .
لرینه عودت ایله مه لرتی امر ایدیور ؛ قطعات یاورلری
بو امری لازمکلان یرلره ایصال ایلورلر . برآز صکره
هر قطعه دن اولجه حاضر بولندیریلان مشعله لر یاقیلور ؛
قطعات عسکریه بربری آردنجه (قونه رسدوف-فرائق فورته)
شوسه سنه چیقوب بورادن فرائق فورته طوغری یوله
دوزولیورلر . متعاقباً افرادملی حرب شرقیلرینه باشلا .
بورلر تکمیل شو حالی، شو منظره نی کوروبده انسانک
صوک درجده متحسس اولماسی ، « بو مظفر عسکره
قدر اظهار شادمانی ایتسه ، نه قدر مغرور اولسه یری
واردره دیماسی قابل اوله میور . فکر ایسترایستمز یوز
قرق سنه اولی بوراده عینی اراضی اوزرنده ویریلان

(قونه سدورف) میدان محاربه سنده روس و آوستریا قوه متفقه سنه قارشى پروسیالیرك اوغرادقلری هزیمت فوق العاده یه کیدیور ؛ صکره ده انسان او دهشتلی هزیمتک نه بیوک موفقیتلرله تضمین ایدلمش ، اوزمانکی اوفاجق پروسیانك باقکز نصل بر دولت معظمه یه اساس قورمش اولدیفنی دوشنیورده شو همته، شو علویه قارشو حیران قالمقدن کندینی آله میور. قوجه فره دریق باشی قالدیرسین ده دنیا دوردقجه هیچ بر پروسیالینك قلبندن چیقمیجه ق اولان او (قونه سدورف) میدان مغلوبیتده بو آخشام نصل قفاخر ایدلیدیکی کورسون !

عسکر بیوک برشوق و شطارت ایچنده غاریزونه دونمکده ایکن (فالقنشتاین تپه جکلری) نده فون درغولج طرفینك اجرا ایتدکلری حرکاتك مختصراً مناقشه سنه کیریشیور : اولاً طرفین قوماندانلری کندیلرینه ویریلان مسئله لری اوقویور و بوکا نظراً اتخاذا ایلمش اولدقلری قرارلری بیلدیریورلر . غولج هر ایکی طرفك قرارینی صورت عمومیه ده موافق بولیور و اجرا ایدلمش اولان حرکاتی فقرعات مهمه سیله برلکده مجملأً تکرار ایدیور، مناقشه سنك اك مهم نقطه لری اولق اوزره ده باشلوجه شونلردن بحث ایلور :

• بوکیجه اجرا ایلدیکنز عملیات کیجه لین عسکری

طوبلو بولند یرمق و غایت ساده حرکات ایله اکتفا ایتک لازم کله جکی بزه اثبات ایدیور . پیاده قطعاتی ایلری یایلوب کیدرکن صیق صیق دورملی، اطرافی دیکله ملی، حرکاتنده عجله ایتمایلدیر . شرق مفرزه سنه منسوب سواری بلوکی بدایتده مستقل بر وظیفه ایله (فالقنشتاین تپه جکلی) نه دوغری کوندرلما میدی ؛ زیرا بوساطه ایله صکره دن بسبتون الدن چیقارلدی . برده کیجه لین برچوق سواری کشف قوللری چیقارلسی لزوم سزدر ؛ چونکه بونلر حرکاتی قاریش دیرمقدن ، بزی بوش یره شاشیرتمقدن بشقه هیچ بر فائده ویرمزلر . کیجه ایچون پاروله تعین ایدلسی پک مهمدر . »

فرقه قرارگاه هیئت برچوق آتلی ضابطان ایله برلکده کیجه یاریسنه دوغری فرائق و رتبه کیریور . فون درغواج ایله بن قوماندانلق دائره سنه کلوب حیوانلر مزدن اینیورز . غولچ فامیلیاسیله سوپه ایدرکن مشار الیه متأثر برحاله خیلی مدت عثمانلیقدن ، عثمانلی اردوسندن ، بوقهرمان اردونک کوره بیله جکی ایشلردن بحث ایدیور ...

ایکی کون صکره بشنجی فرقه قوماندانلی طرفندن فرقه یه منسوب طقوزنجی ، اوتنجی پیاده لوالری ایله بشنجی سواری لوانسه و اون سکرنجی صحرا طوبجی آلاینه بر صورتی آتیده یازیلی « مطالعات » کوندریلیور .

.....

مارتك يكرمي دردنجی کونی اقشامی اجرا اولنان کیجه عملیانی سببیه خاطره کلان مطالعات

۱ — ساحه سی نسبةً آز اولان (قونه رسدروف
تعلیم میدانی) نده ایکی طرف قطعات مختلفه سنک بربرلرندن
خبردار اولمق سزین یکدیگری یانندن کچملری و آنجق بر
ایکی بلوک — اوده قسماً تصادفی اوله رق — مصادمه
ایتملی بزه شونی اثبات ایدرکه کیجه محارباتنده باخصوص
قاراکلق زیاده اولورسه قطعاتک امر اداره سی کسب
مشکلات ایلر .

۲ — صورت عمومیه ده کیجه لین معین بعض نقاط
و مواضعک محافظه سی و برده یول و هدف اولجه تمامیه
معلوم اولدینی وقاراکلق باصمازدن اول بر کره دهاکشف
ایلدیکی تقدیرده قیصه و سریع هجوملر اجراسی ایله اکتفا
ایتملیدر .

اولجه ایجاب ایدن هر درلو ترتیبات اتخاذ ایدمک
شرطیه کیجه لین و یا شفق وقتنه دوضری مواضع مستحکمه یه
هجوم عملیاتلری اجرا ایتدیریلیرسه استفاده اولنور .

۳ — کیجه لین بر چوق کشف قوللری اخراج ایدیلیرسه دشمنک وضعیتنه دائر قطعی بر فکر آلنه مدقندن بشقه کشف قوللری طرفندن آره صره اجرا ایدیلان انداختدن دولایی طرفین قوماندانلری بسبتون ترده دوشرلر . بناء علیه — ایلری قره غول خدماتی مستثنا اولوق اوزره — کیجه لین ممکن مرتبه آزمقدارده کشف قولی چیقارمق ایجاب ایدر .

غایت یقیندن امنیت تدابیری اتخاذ ایدلمک اوزره بلوک قولی مثلوق قبالی نظاملرله اجرا ایدیلان حرکاتک مقصوده اک زیاده موافق اولدینی بوسفر دخی تحقق ایتمشدر .

۴ — عینی طرفه منسوب قطعاتک یکدیگری اوزرینه آتش ایتمه لرندن آکلاشیلیورکه پاروله نک فائده سی و آتسه باشلامازدن اول قارشیده کی قطعه نک دوست می؟ یوقسه دشمن می اولدیغنک لزوم تحقیقی زیاده در .

آندن بشقه قارشیده کی قطعه دشمن اولسه بیله پیاده تفنکرینک الیوم منزلی زیاده اولوق حسیبله اوقطعه نک اوته سنده بولنه حق دوست قطعاتی دخی اورمق تهلکه سی وارددر . اوجهتله انداختک ایی بر نتیجه ویره جکندن امین اولمادقجه کیجه لین پیاده آتشی قوللانمق جائز دکلدر .

۵ — هر ایکی طرفده دخی طویچی صنفی بولندینی

حالده طرفینک یکدیگرینک حرکاتی ایشیده مامش اولماری
شایان تعجدر . شوقدرکه بونک حکمتی هوای نسیمینک
او آنده کی حالده آراملی ، یوقسه هر وقت بویله اولور
ظن ایتمایلدیر .

۶ — بو عملیاندن آکلاشیلیورکه دشمن یقیننده
کیجه لین اجرا اولنان حرکات شمدی به قدر هر طرفجه
ظن وقبول اولوندینی قدر تهلکلی دکدر .

دشمن مواضعی یاننده یاپیلوب ظاهرده بک تهلکلی
وجسورانه کورینان یورویشلر — لزومی درجه سنده
احتیاطه رعایت ایدلیدیکی ، قطعاتی اینی بر نظام و انتظام
آلتنده طوتمق و ناکهانی بر تعرضه اوغرانیدینی حالده
تلاش و دهشت ایچنده قالمالرینی تأمین ایتمک قابل اولدینی
تقدیرده — موفقیتله اجرا ایدیه بیلیر .

۷ — کیجه لین چوق عسکره مالک اولمقدن زیاده
ای تریبات اتخاذ ایتمک ایشه یارار . (۱۸۷۰) حربی
انساننده کانون اولک طقوزنجی کونی آخشامی ویریلان
(شامبور) محاربه سی بوکا بر مثالدر .

عملیاتمزدده اگر غرب مفرزه سی قوماندانی کندیسنه
تکمیل قوتیله ایلروله مک امری ویرلزدن اول قوتنک
بیوک بر قسمی ایله (فالقنشتاین تپه جکلی) نده قاهره
یا لکز بر قاج بلوکی قبالی نظامده فرائض فور ت اورمانه

(شوه تیغ - قونه رسدورف) یولی جوارینه قدر سوق
ایتسه واونلره - شاید دشمن بو یول اوزرندن
چکیلیرسه - شدتله اوزرینه تعرض ایتک امرینی ویرسه
ایدی احتمال بوسورت حرکت تکمیل قوتی ایلرولتمکدن
حاصل اوله جق فائده بی تأمین ایده بیلیردی . آندن بشقه
بوسایه ده پیشدار ایچون تخصیص ایدلمش اولان موضع
دخی محافظه ایدلمش و قوماندانک الی آلتنده قوتلی بر
احتیاط قالمش اولوردی .

۸- بالاده کی مطالعاتک مناسب فرصتلرده و باخصوص
یججه سفریه عملیاتلرنده قطعاته آکلاتیلیمسی توصیه
ایدیلیر .

امضا

فرایر - قونه در فولج
بشنجی پیاده فرقه سی قوماندانی



مفصل تعبيه مسئله لری

صنوف ثلثه تعلیمنامه لر منزله خدمات سفریه نظامنامه سی اساس
طریقه ورق روم ایلی شاهانه خریطه سی اوزرنده ترتیب ایدلمش
اکمهم تعبيه مسائلی حاویدر. مکتب حربیه شاهانه ارکان حربیه
وظائفی و تعبيه تطبیقاتی معلی ارکان حربیه قائم مقامی عزتلو پرتو
بک طرفدن یازیلوب کتابخانه من معرفتیه طبع اولمقده بولنان
(مفصل تعبيه مسئله لری) ضابطان و شاگردانک جداً توسیع
معلوماتنه خادم برتألیف ملی اولمی جهتیه کړک کتابک و کړک
خریطه لرینک نفاست طبعنه ضوک درجه اهتمام اولمقده در.
حد ذاتنده جسیم برکایات تشکیل ایدم جک اولان اشبو اثر مهم
اک بسیط بر صورتده اوفق اوفق مفرزه محاربه لرندن قول
اردولرک حرکاتنه وارنجهیه قدر مفصلاً تعبيه مسئله لرینی شامل
بولنه جق، ضابطان و شاگردانک بردانه ایدمنسنه مدار اولقی اوزره
تکمیلی بردن نشر اولنمیوب پی در پی و دفتر دفتر کسوه پذیر تمثیل
اوله جق و غایت اهون فیأتلرله میدان انتشاره وضع اولنه جقدر.
مفصل تعبيه مسئله لری، حللریله برابر بش مسئله دن مرکب
و (۶۰) صحیفه دن متشکل برنجی دفتری نشر اولمشدر. فوق العاده
نفیس بر صورتده طبع اولمش وایکی بیوک رنگلی قروکی ایله
تزیین ایدلمشدر. برنجی دفترک فیأتی کاغدی بهاسنه (۳) طشرهیه
(۳) بچق غروشددر بالجله امراء ضابطان و شاگردانه توصیه
اولنور.



کتابخانه اسلام و عسکری طرفندن نشر اولنه جق آثار عسکریه :

مچ اصول تعلیمی	قول آغاسی حسنی بك
قیلجه یکی اصول مبارزه	» »
تعییه مسئله لری (ایکنجی دفتر)	قائم مقام برتو بك
برنجی ناپولیونك آثار مستخبه سی	احمد رفیق بك
صحرا طوبجی تعیه سی	جنرال روڤ
عملی خدمت سفریه وظائفی	جنرال وردی دوورنوا
فرانسه نك ۱۹۰۰ اردو مانوره لری	محمود مختار پاشا



کتابخانه اسلام و عسکری طرفندن نشر اولنه جق آثار عسکریه :

مچ اصول تعلیمی	قول آغاسی حسنی بك
قیلججه یکی اصول مبارزه	» »
تعییه مسئله لری (ایکنجی دفتر)	قائم مقام یرتو بك
برنجی ناپولیونك آثار منتخبه سی	احمد رفیق بك
صحرا طوپیجی تعیه سی	جنرال رونه
عملی خدمت سفریه وظائفی	جنرال وردی دوورنوا
فرانسه نك ۱۹۰۰ اردو مانوره لری	محمود مختار پاشا



فیثانی (۶۰) پاره در

کتابخانه عسکریده صانیلان آثار عسکریده دن

بعضیلری :

پاره فروش

محود مختار	۱۲۰
محاربات فلاحه دائر بر قاچ سوز	۱۷۲۰
خدمت سفریه تطبیقاتی (مجلد) وردی دوا	۱۰
اصول تطبیقه نظر آثار یخ حربك مطالعه سی	۱۰
حرب اویونی مجلد	۳
اداره حربه دائر قواعد اساسیه	۱۳
پیاده مکتوبلری	۷۲۰
پرنس هوونا	۳
سفریه و تمییه تطبیقاتی	۱۰
مفصل تمییه مسئله لری (برنجی دفتر) قائم مقام برتر	۲
قره طاغ واردوسی	۳
قول آفاسی صبحی	۶
پیاده نك سواری هجوملرینه مقابله سی	۷۲۰
آفریقای جنوبی محاربه سی	۵
بارکیره باقق و بینمك	۲۲۰
پلونه مدافعه سی	۲
آلمان اصول حربنه دائر عملی مثالر	۲
پیاده نك یوقله ورسم یکیدلری	۲
ناپولیونك امثال حربیه سی	۲
عجمی تعلیمی هفته جدوللری	۱۰
تبصره ۱ و ۲	۱۱۰
کیجه یورویش و محاربه لری	۱۰
کتابت عسکریه	۱۲۵
پلونه قهرمانی غازی عثمان پاشا	

